

Kivu ya Kaskazini

Eti ndiyo mwisho wa vita vya ukabila?

Kumefanyika manmotarehe 25 hadi 29 novemba, mkutano mkuu uliowakusanyisha pa Mwesso (ZTM) wajumbe wa makabila zilizo kuwa ndani ya fujo na vita mkali katika mitaa ya Walikale, Masisi na Rutshuru (bwito) tangu tarehe 20 march hadi mwezi wa nane mwaka huu pamoja na viongozi wa makanisa, wa mashirika yenyi kushuruliwa maendeleo na wa sultani mbalimbali wa mikoa na vijiji vya mitaa hiyo.

Ukomo wa mkutano huo ulikuwa wa kuchungua na kujifunza kwa upekee visa vya vita hivyo vilivyo sababisha uaji wa watu kiasi cha elfu sita na wakimbizi zaidi ya elfu 200.

Katika mkutano huo wasimamizi wa kabila za wa Hutu, wa Tutsi, wa Hunde, wa Nyanga na wa Nande waliweza bila uoga kutoa maonyi yao yenyi kuelekea mwanzo na sababu za vita hiyo. Walitoa pia pendekezo (suggestions) na mahitaji yao kusudi katika siku za usoni kusukukwa tena mauaji ya namna hiyo. Wote pamoja walikubaliana kuwa sababu kubwa za fujo hizo ni kutoheshimishwa kwa sheria ya uraia, wivu, fujo kuhusu udongo na mahali ya kulima ao kufuga, uwongo,

uyanguyangu, rushwa, kutokuwahazibu watu wakorofi, mafundisho mabaya ya mashirika ya ukabila (mutuelle ou ONG tribales), kabila moja kuwa tajiri ao kuwa na udongo wote kuliko lingine... Ingawa walikubaliana kuwa jambo lenyi kuelekea uraia (nationalité) ao mikoa ya asili (collectivité-chefferie) ya elekea serkali kuu ya mji Kinshasa. Walioshiriki kunako mkutano wa Mwesso, Waliona kuwa makabila yote yenyi kwishi katika mitaa hiyo yapashwa kuwa na wasimamizi katika vituo ya uongozi, ila mbele ya hayo serkali imeombwa ikamilishwa hali binafsi ya kisheria (statut personnel ou juridique) ya kila mkaaji wa mitaa hiyo. Walikubaliana pia kuwa komiti zote za amani zilizoundwa kiisha vita zikubaliwe na liwali wa jimbo mbele ya kutumika. Kuhusu mikutano ya ukabila, imeombwa serkali iwe na muakilishi wake wakati kabila fulani ya kutana.

Mkutano wa Mwesso, ulisilihi viongozi wa jimbo wachukue mipango ya kuwarudisha makwao wakimbizi na wakuu wao na kushuruliwa na ukingo wao wakati wanaporudi. Walihitaji kwa upande mwingine wote wote walioshiriki ao kuwasha moto ndani ya

mauaji hayo kutiwa katika madaraka ya sheria na kuhazibiwa vikali kwa makosa waliyotenda.

Kabla ya kufikilia mapatano hayo, kila kabila lilitoa maonyi yake ya upekee kama vile wa Hutu na wa Tutsi walipendekeza zaidi kuiguzwa mikoa wa asili "collectivité-chefferie" kuwa "collectivité-secteur" ao tena kila sheria ya nchi iheshimu haki ya binadamu ao mara tena viongozi wote wa vijiji, mikoa wawe watu wenyi elimu.

Wa Hunde na wa Nyanga wamehitaji eti serkali ishuhulike uraia wa wananchi, wakikataa kugeuzwa kwa "collectivité-chefferie", wamesisitiza sana viongozi wa asili waliokimbia ao kuondoshwa, warudishwe kwa haraka madarakani ao tena kuomba serkali iheshimu na iheshimishwe sheria alizozitia.

Kwa upande wao wa Nande, walionya serkali ichugue kwa makini tena kwa haraka hali ya uraia ya wa Hutu na wa Tutsi. Waliomba walinda amani wa kabila ya wa Hunde, wa Nyanga ao wa Hutu-Tutsi waondoshwe katika mitaa ya Rutshuru, Masisi na Walikale ao tena kuwanyanganya waaskari na wasiokuwa waaskari silaha wanazo kuwa nazo katika vijiji hivyo vya vita.

Mwisho walionyesha matumaini yao ya kuona mikutano ya thawabu ya amani kama hiyo yafanyika katika mikoa mengine ya mitaa hiyo ya tatu na hata kunako daraja ya jimbo kusudi ya kukomesha fujo na mauaji katika jimbo la Kivu.

Gabriel Lukeka bin Mlye

JE, UMESIKIA ...

Kwamba,

Ziwa ndogo lachipuka huko Muhumba mbele ya makao ya misionari moja mgeni? Hata hivyo, majirani hushanga kuona namna gani ziwa hilo latukia wakati lingefutwa mahali pale. Na hiyo kwa kuacha njia ya maji mahali huyo misionari alipofunga. Ikingojewa jawabu, wapita-njia pamoja na magari wachafuliwa na kuogelea matopeni. Allah! Kweli, imeonekana kuwa chumba cha mazingira cha mji wa Bukavu na kile cha mtaa wa Ibanga vyafinyanga madaraka yao makubwa kwa kuokoa hali hiyo. Eti, hiyo ndio mtindo wa kisasa kwa kuonya maajabu ya mji kwa watalii.

Kuwa,

mwenyekiti wa mji wa Bukavu angepaswa kutoa machozi siku ile aliposikia eti muhuri wa chumba chake umepotea? Uwizi ambao haukufanyiwa uchunguzi na wasemekana labda kaendeshwa na watu wanaoshiriki zaidi chumba hicho kinacholindwa usiku na mchana na askari jeshi wa usalama. Watu waliingoa ya kuwa tangazo lililotolewa kwa jambo lile lipige marufuku vikartasi vyovyote vitakavyonekana na muhuri ule baada ya kupotea kwake. He! hata leo hakuna lolote kafanyika, na mwezi pekee hana pupa ya kuuridisha wakati mahakama haijamnasa.

Eti,

mbali huko Punia jimboni mwa Maniema, kibarua katufikia cha kusema eti, kiongozi wa mtaa moja kazozana na mtumishi wake moja aliye mkuu wa mahali ahusikaye na usafirichaji. Kisa cha magongano: kutoa "Permis de conduire" ambayo mkuu huyo atoa baada ya kulipa feza nyingi sana. Kwa kukataa kwake, tume moja la hukumu katumwa kwa kuadibisha mtumishi ule. Yaliyotokea, ni kuharibika kwa kazi ile, ambako twashauri wakuu wa serkali mahali wajiongoze inavyostahili, siyo kama watu wotokao juu wakati wa jamhuri ya pili ambao watu wengi waliishi migongoni mwa wengine. Huruma!

Kivu ya Kusini

Viongozi serkalini wayeyushwa ubongo

Mara nyingi viongozi serkalini jimboni mwa Kivu ya Kusini walikutana na wafanyabiashara pia viongozi wa mabenki kwa kutatua tatizo la kupandishwa kwa bei ya biza na hali ya kiyuchumi yazorota jimboni siku nenda rudi tangu hapo kabadilishwa feza. Kati ya wafanyabiashara watezamiwa wenyeji wa mashirika na maduka makuu kama vile Kotecha, Datco, Olive, Habib, Kamola na wengineo wenyi kuendesha kazi zao kwenyi soko kuu la Kadutu. Ila liwali wa jimbo husita kuwagusa na kuwaazibu, kwani wasemavyo, ajua mwenyewe sababu.

Kwa kweli, imeonekana kuwa wafanyabiashara huficha biza vyao na baadaye hupandisha bei ginsi wapendavyo na hakuna hata mkuu mmoja atiae kidole juu kwa kupinga jambo hilo na kuliazibu.

Kutokana na kufyatuka kwa bei ya vyakula na vifaa kwa mwendo wa kunguru ama mshale na ambao wanadeshwa na wafanyabiashara bila uwasiwasi na wasijue hata pato wanalo raia walio wanunuzi wengi siku hizi za magumu. Ni toka vitendo hivyo, wakaaji wengi mjini Bukavu kaona ni vema kujieleza nchini jirani hasa Rwanda ambako huuza vifaa kwa bei rahisi mara tatu. Pia ukosefu wa noti ndogo ndogo umesababisha hali hiyo. kwani wasema kuwaa viongozi wa mabenki noti hizo zimetumwa kununua zahabu mitaani Walungu, Mwanga, Shabunda, Fizi na kulipa walimu.

Kweli kisingizio mtupu kuwa siku za mwizi ni arubaini, watumishi wa mabenki na wengineo wafanyabiashara huuzisha feza hizo

ugenini na hata mjini kwa bei waja wenyewe wakizibadilika noti kubwa.

Kulingana na hali hiyo, yasemekana kuwa wa "bwana kuu" toka Kinshasa, viongozi serkalini kama vile wengineo, walijiruhusu kutumia noti ndogo nchini jirani kwa kuzibadili na kupata feza za kigeni ambazo zaombwa na wenyeji wa manyumba. Kitendo hicho kimewaangamiza wakaaji ambao kapiga yohe wasijue nani awakoe ingawa ingawa wakati huo viongozi walia machozi ya mamba wakiwacheleka raia. Na mashirika kazaa kama hayo tuliyoyataja hapo juu hupandisha bei wasichurulike na chochote na hata mkuu moja asihusike kuwatisha kwani wapo washiriki.

Je mfuko moja wa mhogo kauze zaire mpya 500, wa mchele 700, wa ngano 800, chupa la primus 15, bei ya upangaji nyumba haramu toka mfuko wa zeluji (ciment) wenyi bei ya zaire 300 na zaidi hadi madolari za kiamerikani ingawa mshahara mdogo kweli. Toka zaire 16 mpya na kazalika.

Kuona kama Wanazaire walio na feza wafukuzia kununua biashara makwao, Wana-Rwanda kapunguza samani ya feza zetu wakizibadili 1NZ kwa franka 3 ya Rwanda pahali pa 23 na zaidi.

Ni hapo wakaaji kashikwa na hasira na kufunga mipaka kusiwe mtu wa kupita. Kuona hivyo, liwali wa jimbo kachukua hatua ya kukamilisha kitendo hicho. Kwa leo, nenda kaulize mabadilisho huko yakuwa ngapi?

André Bisimwa L-B. Tserou

Ujanja wa Daktari Kakisingi waleta uwoga Bibi Shaburwa alifia nini?

Sheria inapowekwa ni lazima iheshimiwe. Habari zinazozaminika zajiulisha kama mambo hayaendeki vizuri kunako hospitali ama "Clinique (Clinique médicale)" ya mji wa Bukavu inayongozwa tangu siku kadhaa na daktari Kakisingi, mganga na pia msimamizi wake aliyefikishwa mahakamani kujibu mashtaka. Ni siku nyingi swala hilo lawakera wakaaji.

Habari kamili ni kuwa mganga huyo amefungwa na kufunguliwa kwa mda kunako mahakama ya mji wa Bukavu mnamo tarehe na wiki yakukeshwa siku kuu ya Noeli iliyopita mwaka 1993. Yasemekana kama daktari Kakisingi,

akisikilizana na mchungaji wa dawa ama Pharmacien wa hospitali hiyo, pia na wengine wafanyakazi anatumia mda wa siku nyingi shindano zisizo halali. Ahatarisha maisha ya maelfu ya watu na kuwatia wagonjwa uwasiwasi mda wamiezi sita sasa. Kwa kuwa anawapiga bila huruma shindano hizo zinazoweza kuwaambukiza ugonjwa na viini haramu vya ukimwi (Sida).

Hatari mlangozi kweli. Lakini wakati huohuo watu wengine wamewahi kusema kama ni wafanyakazi wa roho mbaya na wivu ndio wanamchukia daktari kijana huyo mustakiwa Kakisingi na kumchochea maneno mengi kwa nia

yakumtoa kazini ambako yeye ni kiongozi.

Basi ikiwa ni fitina au uwivu, ni vema kungojea neno la mwisho la wenyi kuhusika na sheria mahakamani ambao watachungua maneno hayo na kuyakamilisha au kuyakanusha, kuchukua hatua kali hata kufikilia kuhukumu faini au kwenda jela, na hivyo, wakiisha uliza wataalamu na wanga wengine.

Habari ya kifo inaosisimua mji wa Bukavu ni hiyo ya kutolewa dunia kwa bibi Anastasia Shaburwa Cito mtumishi hapo zamani kunako ofisi ya liwali wa jimbo la Kivu ya Kusini. Baada ya kushiriki kwenyi sherehe ya ndoa kunako chuo cha masomo ya Ibanga mnamo tarehe 18 desemba 1993, huyu kachukuliwa mahali yasiokajulikana na waruguruga. Na baada ya utafuti mwili wa bibi Shaburwa kagunduliwa katika shamba ya mihogo ya mtaani Ibanga. Mwili huyo umezikwa tarehe 6 Januari 1994 kunako shamba la wafu la Brasserie. Lakini, mpaka sasa kisa cha kumua bibi huyo hakijulikana.

Wajambazi wa "Essence" wameshambulia gari la Bralima

Siku ya inne tarehe 30 desemba 1993, vijana wamoja wa pale Essence, mtaani Ibanga katika mji wa Bukavu wamejiminavpombe ya primus bila kutoa pesa na kufikilia kuvunja gari la shirika Bralima lililokua likizunguka kwa kuuzisha pombe Primus na kinywaji cha soda.

Walipokasirika mda wa miezi zilozopita na beyi kali ya vinywaji, beyi iliyozidishwa mara tatu kwa mda wa wiki moja, vijana hao shujaa na waruguruga wametenda kitendo kilicholeta msangao mkuu mjini Bukavu kwa jumla.

Wamempiga fimbo dereva Shababiri Karhebwa aliyekua akiongoza gari. Kiisha wakajibeeba kwa kingu na ukali wao sanduku 510 ya pombe na kuvunja gari hio hata kufikilia kubeba "batterie" yake kwa hasira. Nia yao yakulichoma gari la shirika Bralima halikufikilia kutendeka kwa sababu askari-jeshi na walinda amani wamefika kiisha mda mfupi lakini ilikua ni nyuma mno.

Kwa kuwa wajambazi na vijana kazaa

waliokua na kiu ya ngamia walikua wamekwisha kujinyangulia chupa na vifaa vingine na kutumia pombe ya shirika Bralima manyumbani mwao.

Hakika, kitendo hicho cha ulizi na unyanganyi kimelauliwa na wananchi

wote wenyi kutafuta na kuitaji nchi yetu ishike njia ya udemokrasia. Lakini ni vema pia shirika Bralima libadilishwe beyi ya biashara yake kwa kuruhusu watu kuendelea kuvinunua bila matatizo ao misukosuko.

Saisho

Itakumbukwa kama katika toleo la 450 la gazeti letu ilijulishwa kuwa Mwami Ntambuka Balekage ni mwami kwa jumla. Mtaa wa Idjwi ulikuwa na mwami moja hapo awali ila kwa sasa umekwisha gawanyika kufuatana na agizo la Babu wa bami hao wawili kwa sasa. Mwami Ntambuka ni mwami wa Idjwi "Sud" na Rubenga ni mwami wa Idjwi "Nord". Na huko Idjwi ni Banji na Nkola wanaosimika bami katika mikoa hiyo mbili. Na mizi wa Rubenga ambae ni Mwanae Ntawenderundi tasimikwa kiasili mwezi wa pili 1994 kama ilivyo desturi ya Barni kusimikwa baada ya siku 120. Na huyo mizi ndiye mshauri wa bami wote jimboni mwa Kivu ya Kusini. Natumaini kuwa gazeti JUA litasaisa msemwa ule.

Mimi Balegamire Lubambo
Avenue Président Mobutu
Ibanga/Bukavu